



Broj: 07-05-15-28481/23
Sarajevo, 15.06.2023. godine

Na osnovu Zakona o poticaju razvoja male privrede ("Službene novine Kantona Sarajevo", broj 29/15), Zakona o izvršenju Budžeta Kantona Sarajevo za 2023. godinu ("Službene novine Kantona Sarajevo", broj 15/23) i člana 4. stav (1) i (2) Pravilnika o postupcima u provođenju programa razvoja male privrede ("Službene novine Kantona Sarajevo", br. 20/21 i 25/23), a u skladu sa Odlukom Vlade Kantona Sarajevo, broj: 02-04-24803-18/23 od 01.06.2023. godine o usvajanju Godišnjeg plana provođenja Programa razvoja male privrede za 2023. godinu i Odlukom o usvajanju Programa utroška sredstava "Poticaj razvoju male privrede" za 2023. godinu, broj: 07-05-15-26785/23 od 09.06.2023. godine, Ministarstvo privrede Kantona Sarajevo objavljuje

JAVNI POZIV

za dostavljanje prijava po osnovu Programa: "Poticaj za unapređenje preduzetništva u domenu pružanja administrativnih usluga dominantno izvozne orijentacije"

I PREDMET POZIVA

Ovim Programom daje se podrška unapređenju, razvijanju i jačanju preduzetništva u domenu izvozno orijentisanih administrativnih usluga u kojima Kanton Sarajevo bilježi značajne komparativne prednosti i u kojima je u posljednjih nekoliko godina kreiran veliki broj novih radnih mjesta. Poticaj za unapređenje ove vrste preduzetništva je program koji je u 2023. godini namijenjen izvozno orijentisanim subjektima koji u skladu sa svojim internim programima obuke za grupe polaznika (3 do 10 osoba) izvrše pružanje usluga provođenja programa interne obuke i osposobljavanja, odnosno prilagođavanja radu u domenu izvozno orijentisanih predmetnih administrativnih usluga. Namjena odobrenih sredstava je da izvozno orijentisani subjekt nakon provedenog programa interne obuke i osposobljavanja kreira platformu za zapošljavanje polaznika obuke u skladu sa odobrenim poticajnim sredstvima.

II PRAVO UČEŠĆA

Pravo na dodjelu poticajnih grant sredstava za subvencioniranje troškova po ovom Programu ostvaruju subjekti male privrede definisani Zakonom ("Službene novine Kantona Sarajevo", broj: 29/15) koji imaju sjedište na teritoriji Kantona Sarajevo i obavljaju djelatnosti obuhvaćene podtačkom c) tačke 1.1 Opći uslov – obavljanje registrovane osnovne djelatnosti iz Godišnjeg plana za 2023. godinu, uz obavezan uslov da je poslovni subjekt u 2022. godini ostvario više od 50% prihoda na stranim tržištima u sljedećim područjima prema KD BiH 2010 ("Službeni glasnik BiH", broj 47/10) i to: Području J - Informacije i komunikacije, šifra djelatnosti: 63.99; Području M - Stručne, znanstvene i tehničke djelatnosti, šifre djelatnosti: (69.10 – 74.90); i u Području N - Administrativne i pomoćne uslužne djelatnosti, šifre djelatnosti: (78.10 - 79.90) i (82.11-82.99). Podnosilac prijave mora imati najmanje pet uposlenih, obezbjediti vlastito učešće u visini od najmanje 10% od vrijednosti traženih sredstava prema projektu i nakon dana objave javnog poziva po ovom programu u 2023.



godini realizovati interni program/projekt obuke i osposobljavanja za obavljanje poslova u registrovanoj djelatnosti. Programom/projektom se omogućava poboljšanje kvaliteta znanja i vještina potencijalnih novih zaposlenika u domenu pružanja administrativnih usluga dominantno izvozne orijentacije, sa krajnjim ciljem da se u tim poslovnim subjektima koje provedu program obuke određenog broja mladih ili drugih nezaposlenih osoba, koje su u skladu sa zahtjevima subjekata ispunili preduslove za pohađanje i uspješno završili predmetne obuke. Pravo ostvaruju subjekti koji realizacijom dostavljenog programa/projekta imaju obavezu uposliti nove radnike na period od minimalno godinu dana. Podnosilac prijave nema pravo na poticajna grant sredstva za predmet poticanja za koji je primio poticajna grant sredstva putem drugih programa finansiranja/sufinansiranja: Vlade Kantona, neke druge institucije u FBiH ili nevladine organizacije. Ukoliko se naknadno utvrdi da je koristio sredstva poticaja iz bilo kojeg od ovih izvora, obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama. Po osnovu ovog javnog poziva, podnosioci prijave mogu podnijeti samo jednu prijavu. Podnosilac prijave, osim za program "Obezbjedenje kreditiranja pod povoljnijim uslovima", može ostvariti pravo na poticaj po samo jednom pojedinačnom programu iz Programa utroška sredstava "Poticaj razvoju male privrede" za 2023. godinu, a može podnijeti najviše dvije prijave, tj. po jednu prijavu za dva pojedinačna programa. U slučaju da subjekt podnosi dvije prijave po odnosnim programima iz Programa utroška sredstava "Poticaj razvoju male privrede" za 2023. godinu obavezan je u prijavi navesti koja je prijava prioritetna. Ukoliko su obje prijave formalno-pravno ispravne, Ministarstvo privrede Kantona Sarajevo će razmotriti i odobriti poticaj za samo jednu prijavu prema označenom prioritetu ili redoslijedu zaprimanja prijave na protokolu ukoliko u istim nije navedeno koja je prijava prioritetna.

III NAMJENA DODJELJENIH POTICAJNIH SREDSTAVA

Programom/projektom se omogućava poboljšanje kvaliteta znanja i vještina potencijalnih novih zaposlenika u domenu pružanja administrativnih usluga dominantno izvozne orijentacije, sa krajnjim ciljem da se u tim poslovnim subjektima koje provedu program obuke određenog broja mladih ili drugih nezaposlenih osoba, koje su u skladu sa zahtjevima subjekata ispunili preduslove za pohađanje i uspješno završili predmetne obuke, izvrši zapošljavanje na minimalno godinu dana. Očekivani rezultati u okviru ovog Programa su minimalno pet odabranih poslovnih subjekata i minimalno 15 novih radnih mjesta podržanih kroz ovaj Program.

IV NAČIN I IZNOS DODJELE SREDSTAVA

Godišnjim planom za 2023. godinu i ovim Programom za ovu namjenu predviđen je ukupan iznos od 200.000,00 KM, pri čemu maksimalni iznos subvencioniranih sredstava za provođenje obuke u jednom subjektu ne može biti veći od 56.000,00 KM (slovima: pedesetšesthiljada KM) uz obavezno zapošljavanje osam radnika, a radno mjesto se vrednuje sa iznosom poticaja do 7.000,00 KM po jednom zaposlenom radniku. Sredstva su namijenjena za subvencioniranje troškova unapređenja, razvijanja i jačanja preduzetništva u domenu izvozno orijentisanih administrativnih usluga u kojima Kanton Sarajevo bilježi značajne komparativne prednosti i u kojima je u posljednjih nekoliko godina kreiran veliki broj novih radnih mjesta. Poticaj za unapređenje ove vrste preduzetništva je program koji je u 2023. godini namijenjen izvozno orijentisanim subjektima koji u skladu sa svojim internim programima obuke za grupe polaznika (3 do 10 osoba) izvrše pružanje usluga provođenja programa interne obuke i osposobljavanja, odnosno prilagođavanja radu u domenu izvozno orijentisanih predmetnih administrativnih usluga. Namjena odobrenih sredstava je da izvozno orijentisani subjekt nakon provedenog programa interne obuke i osposobljavanja kreira platformu za zapošljavanje polaznika obuke u skladu sa odobrenim poticajnim sredstvima.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/10

Korisnik sredstava/podnosilac prijave je obavezan dostaviti potvrdu Porezne uprave - Lista osiguranih lica za obveznika (broj, datum zaposlenja i imena zaposlenih), te dostaviti vlastitu Izjavu o kvalifikacionoj strukturi zaposlenih. Korisnik sredstava po ovom programu obavezan je, u skladu sa Odlukom Vlade Kantona Sarajevo o odabiru krajnjih korisnika i zaključenom ugovoru o dodjeli poticajnih sredstava, dostaviti bankovnu garanciju u visini iznosa ugovorenih/odobrenih sredstava uvećanu za ugovorne kazne i zakonske zatezne kamate. Troškovi obezbjeđenja ove bankovne garancije padaju na teret korisnika sredstava, odnosno trošak obezbjeđenja garancije je prihvatljivi trošak korisnika sredstava u dijelu njegovog sufinansiranja dostavljenog projekta po ovom programu. Odobreni poticaji služe za finansiranje/sufinansiranje troškova provođenja obuke, a na osnovu dostavljenog projekta, prihvatljivih troškova i angažovanja vlastitih edukatora i drugih angažovanih osoba tokom obuke, o čemu korisnik subvencije dostavlja dokaz uz Izvještaj o utrošku poticajnih sredstava. Korisnik poticajnih sredstava koji po ovom osnovu ostvari poticaj/subvenciju ima obavezu da uz redovni Izvještaj dostavi dokaze o provedenom programu/projektu obuke i utrošenim sredstvima koja su odobrena po prihvaćenom programu/projektu, odnosno ugovore i/ili račune kojima se dokazuje namjensko korištenje sredstava, dokaze o plaćanju dostavljenih računa (izvod iz banke), bilansnu evidenciju stalnih sredstava (u slučaju nabavke opreme), po mogućnosti fotodokumentaciju opreme koja je nabavljena i potvrdu Porezne uprave o novouposlenom/im radnicima.

V PRIHVATLJIVI I NEPRIHVATLJIVI TROŠKOVI

Po osnovu ovog Programa, prihvatljivi troškovi su:

- Treninzi i specijalizirane obuke;
- Troškovi angažmana eksperata i predavača;
- Troškovi radnih materijala za obuke;
- Troškovi iznajmljivanja opreme neophodne za obuke;
- Troškovi nabavke opreme (osim laptopa i mobilnog telefona) i uredskog namještaja koji su u direktnoj vezi sa predloženim projektom provođenja obuke;
- Troškovi bankovnih garancija su prihvatljivi troškovi, koje podnosilac prijave finansira isključivo iz vlastitog sufinansiranja.

Po osnovu ovog Programa, neprihvatljivi troškovi su:

- Nabavka usluga i opreme od lica koja nisu registrovani poslovni subjekti;
- Nabavka polovne opreme;
- Troškovi putovanja;
- Troškovi režija i održavanja;
- Ostali troškovi koji nisu relevantni za implementaciju dostavljenog programa/projekta.

VI NAČIN PODNOŠENJA PRIJAVE

U skladu sa članom 7. Pravilnika o postupcima u provođenju Programa razvoja male privrede, Prijava će se razmatrati, ako su dostavljeni sljedeći dokumenti: uredno popunjen prijavni obrazac za odnosni program, opća i posebna dokumentacija i ostali zahtjevani prilozi. Svi podnosioci prijave obavezni su u potpunosti dostaviti traženu dokumentaciju. Prijava koja ne sadrži kumulativno opće i posebne priloge (prijavni obrazac, opće i posebne



priloge koji se zahtijevaju Javnim pozivom). zbog neispunjavanja formalno-pravnih uslova se odbacuje bez obaveze daljeg razmatranja.

A) PRIJAVNI OBRAZAC, u originalu, za odnosni program može se preuzeti direktno na web stranici: Ministarstva privrede Kantona Sarajevo <http://mp.ks.gov.ba/>. Podnosilac prijave obavezno popunjava sve rubrike prijavnog obrasca i odgovara za vjerodostojnost svih navedenih podataka.

B) PROJEKAT, u originalu, u skladu sa članom 7. stav (2) tačka b) Pravilnika, je potrebno dostaviti sa sljedećim sadržajem: naziv projekta, detaljan opis plana realizacije, ključne aktivnosti, plan implementacije projektnih aktivnosti, pregled budžeta projekta koji uključuje sve aktivnosti koje treba realizovati iz sredstava poticaja, te na jasan način objasniti o kakvom projektu se radi. Projekat mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti na način kako je projektom navedeno. Projekat - budžet projekta mora da uključuje minimalni iznos podnosioca prijave za sufinansiranje projekta, planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstva Ministarstva privrede Kantona Sarajevo za nova zapošljavanja, iznos i namjena vlastitih ulaganja i sl.). Potrebno je da što više budžetskih stavki bude zasnovano na tačno utvrđenim troškovima, a ne na približnim procjenama. Također, obzirom da je predviđeno sufinansiranje projekta od najmanje 10%, potrebno je specificirati planirane aktivnosti i navesti izvore finansiranja navedenih aktivnosti iz sopstvenih i/ili drugih izvora. U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta. Tabelarni prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje njihov rezultat daje ukupnu vrijednost svake takve budžetske stavke. Poticajnim sredstvima koja se dodjeljuju mogu se finansirati administrativni troškovi i troškovi osoblja u maksimalnom iznosu do 35% od zahtjevanog iznosa sredstava za realizaciju projekta. Ostali dio finansijskih sredstava predviđen je za programske aktivnosti projekta. Projekat se od dana objave javnog poziva ili od doznake sredstava na račun prihvaćenog projekta korisnika poticajnih sredstava mora provesti u roku od šest mjeseci.

C) DOKUMENTACIJA

C.1 Opća dokumentacija:

Podrazumijeva obaveznu dokumentaciju koju podnose svi aplikanti:

a) Rješenje o registraciji pravnog lica (fotokopija ovjerena od nadležnog organa - općina/notar) i Aktuelni izvod iz sudskog registra za pravno lice (original ili fotokopija ovjerena od nadležnog organa - općina/notar), odnosno Rješenje o registraciji izdato od nadležnog općinskog organa za fizičko lice koje obavlja registrovanu djelatnost (obrt) (fotokopija ovjerena od nadležnog organa - općina/notar);

b) Uvjerenje o poreskoj registraciji - identifikacijski broj (ID broj) (fotokopija ovjerena od nadležnog organa - općina/notar);

c) Uvjerenje o registraciji obveznika poreza na dodanu vrijednost (fotokopija ovjerena od nadležnog organa - općina/notar) ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno oporezivanje da isti nije upisan u Jedinstveni registar obveznika indirektnih poreza ne starije od 60 dana od dana objave javnog poziva (original ili fotokopija ovjerena od nadležnog organa - općina/notar);



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

4/10

d) Obavještenje o razvrstavanju pravnog lica prema klasifikaciji osnovne djelatnosti, koje izdaje Federalni zavod za statistiku – Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (fotokopija ovjerena od nadležnog organa - općina/notar);

e) Bilans stanja na dan 31.12.2022. godine i bilans uspjeha za period od 01.01.2022. do 31.12.2022. godine za pravno lice (fotokopije ovjerene od nadležnog organa - općina/notar), odnosno Specifikacija za utvrđivanje dohotka od samostalne djelatnosti SPR - 1053 i Godišnja prijava poreza na dohodak za 2022. godinu za fizičko lice koje obavlja registrovanu djelatnost (obrta) (fotokopije ovjerene od nadležnog organa - općina/notar);

f) Uvjerenje Porezne uprave Federacije Bosne i Hercegovine o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave ovog javnog poziva **sa obaveznim prilogom - Lista osiguranih za obveznika** (original ili fotokopija ovjerena od nadležnog organa - općina/notar);

g) Uvjerenje o izmirenim indirektnim porezima izdato od Uprave za indirektno oporezivanje, ne starije od 60 dana od dana objave javnog poziva (original ili fotokopija ovjerena od nadležnog organa - općina/notar);

h) Izjava u originalu na memorandumu pravnog lica/obrta, ovjerena i potpisana od ovlaštene osobe pravnog lica/obrta, o namjenskom utrošku sredstava u skladu sa ovim programom i da za predmet poticanja za koji je podnesena prijava nisu primljena poticajna sredstva putem drugih programa finansiranja/sufinansiranja: Vlade Kantona, neke druge institucije u FBiH ili nevladine organizacije;

i) Izjava u originalu na memorandumu pravnog lica/obrta, ovjerena i potpisana od ovlaštene osobe pravnog lica/obrta, da je podnosilac prijave saglasan da rezultat ovog Javnog poziva bude objavljen na web stranici Ministarstva privrede Kantona Sarajevo;

j) Ugovor o otvorenom transakcijskom računu pravnog lica/obrta kod banke (fotokopija ovjerena od nadležnog organa - općina/notar); i

k) Izjava ovlaštenog lica za zastupanje - podnosioca prijave u originalu na memorandumu pravnog lica/obrta potpisana, te nakon toga ovjerena od nadležnog organa (općina/notar), a kojom ovlašteno lice pod punom moralnom, materijalnom i krivičnom odgovornošću potvrđuje da se protiv njega ne vodi krivični postupak, kao i da nije pravosnažno osuđen za počinjenje krivičnog djela i/ili privredni prijestup.

Napomena: U slučaju potrebe, podnosilac prijave je obavezan dostaviti i drugu dokumentaciju na zahtjev Ministarstva privrede Kantona Sarajevo.

C.2 Posebna dokumentacija:

a) Projekat (u originalu) urađen, potpisan i ovjeren pečatom pravnog lica/obrta u skladu sa uputama navedenim u tački B) Poglavlja VI Javnog poziva.

b) Izjava na memorandumu (u originalu) o organizovanosti, broju i kvalifikacionoj strukturi uposlenih u pravnom licu/obrta, ovjerena i potpisana od ovlaštene osobe; i

c) Izjava na memorandumu (u originalu) o broju i kvalifikacionoj strukturi lica angažovanih za provedbu projekta, ovjerena i potpisana od ovlaštene osobe.

VII ROK ZA PODNOŠENJE PRIJAVA

Rok za dostavljanje prijave je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 22.06.2023. godine. Javni poziv i prijavni obrazac objavljeni su na web stranici Ministarstva privrede Kantona Sarajevo <http://mp.ks.gov.ba/>. Prijave primljene nakon isteka roka neće biti uzete u razmatranje.



VIII MJESTO I NAČIN PODNOŠENJA PRIJAVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za Program: "Poticaj za unapređenje preduzetništva u domenu pružanja administrativnih usluga dominantno izvozne orijentacije". Na poleđini koverta obavezno je navesti sljedeće: puni naziv podnosioca prijave, adresa i kontakt telefon, te ovjeriti pečatom.

IX KRITERIJI ZA IZBOR KORISNIKA

Sve dostavljene prijave će se razmatrati komisijski u dva koraka, a u skladu sa propisanim uslovima i kriterijima, pri čemu je prvi korak eliminatoran, dok se u drugom koraku ocjenjuje kvaliteta podnesenog prijedloga projekta i kapaciteti podnosioca prijave za njegovu realizaciju.

a) Ispunjenost uslova

U sklopu ovog koraka, po prijemu i otvaranju prijava, ocjenjuju se sljedeći elementi:

- Da li je prijava stigla u utvrđenom roku. Ukoliko nije, prijava se odbija.
- Da li je dostavljena opća i posebna dokumentacija u skladu sa ovim javnim pozivom.

Ispunjenost uslova:	DA	NE
Prijavni obrazac (u originalu), ovjeren potpisom ovlaštenog lica i pečatom podnosioca prijave.		
Projekat (u originalu) urađen, potpisan i ovjeren pečatom pravnog lica/obrta u skladu sa uputama navedenim u tački B) Poglavlja VI Javnog poziva.		
Odnosni poslovni subjekt je u 2022. godini ostvario više od 50% prihoda na stranim tržištima u sljedećim područjima prema KD BiH 2010, i to: u Području J - Informacije i komunikacije, šifra djelatnosti: 63.99; Području M - Stručne, znanstvene i tehničke djelatnosti, šifre djelatnosti: (69.10 – 74.90); i u Području N - Administrativne i pomoćne uslužne djelatnosti, šifre djelatnosti: (78.10 - 79.90) i (82.11-82.99).		
Podnosilac prijave ima minimalno pet uposlenih radnika.		
Iznos troškova po jednom novozaposlenom radniku u odnosu na sredstva tražena ovim javnim pozivom nisu veća od 7.000.00 KM.		
Budžet projekta sadrži isključivo prihvatljive troškove.		
Podnosilac prijave je obezbijedio vlastito učešće u visini od najmanje 10% od vrijednosti traženih sredstava prema projektu.		
Podnosilac prijave je podnio jedan projektni prijedlog.		
Interne obuke predložene u sklopu projekta moraju biti organizovane u oblasti korištenja i osposobljavanja, odnosno prilagođavanja radu u domenu izvozne		



orijentisanih predmetnih administrativnih usluga.		
Podnosilac prijave je podnio ispravno ispunjen prijavni obrazac.		
Podnosilac prijave je podnio ispravno ispunjen budžet projektnog prijedoga koji uključuje minimalni iznos za sufinansiranje, planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstva Ministarstva privrede Kantona Sarajevo za nova zapošljavanja, iznos i namjena vlastitih ulaganja i sl.).		
Rješenje o registraciji pravnog lica (fotokopija ovjerena od nadležnog organa - općina/notar) i Aktuelni izvod iz sudskog registra za pravno lice (original ili fotokopija ovjerena od nadležnog organa - općina/notar), odnosno Rješenje o registraciji izdato od nadležnog općinskog organa za fizičko lice koje obavlja registrovanu djelatnost (obrt) (fotokopija ovjerena od nadležnog organa – općina/notar).		
Uvjerenje o poreskoj registraciji - identifikacijski broj (ID broj) (fotokopija ovjerena od nadležnog organa – općina/notar).		
Uvjerenje o registraciji obveznika poreza na dodanu vrijednost (fotokopija ovjerena od nadležnog organa - općina/notar) ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno oporezivanje da isti nije upisan u Jedinstveni registar obveznika indirektnih poreza ne starije od 60 dana od dana objave javnog poziva (original ili fotokopija ovjerena od nadležnog organa – općina/notar).		
Obavještenje o razvrstavanju pravnog lica prema klasifikaciji osnovne djelatnosti, koje izdaje Federalni zavod za statistiku – Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (fotokopija ovjerena od nadležnog organa – općina/notar).		
Bilans stanja na dan 31.12.2022. godine i bilans uspjeha za period od 01.01.2022. do 31.12.2022. godine za pravno lice (fotokopije ovjerene od nadležnog organa - općina/notar), odnosno Specifikacija za utvrđivanje dohotka od samostalne djelatnosti SPR - 1053 i Godišnja prijava poreza na dohodak za 2022. godinu za fizičko lice koje obavlja registrovanu djelatnost (obrt) (fotokopije ovjerene od nadležnog organa - općina/notar).		
Uvjerenje Porezne uprave Federacije Bosne i Hercegovine o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave ovog javnog poziva sa obaveznim prilogom - Lista osiguranih za obveznika (original ili fotokopija		



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

7/10

ovjerena od nadležnog organa – općina/notar).		
Uvjerenje o izmirenim indirektnim porezima izdato od Uprave za indirektno oporezivanje, ne starije od 60 dana od dana objave javnog poziva (original ili fotokopija ovjerena od nadležnog organa – općina/notar).		
Izjava u originalu na memorandumu pravnog lica/obrta, ovjerena i potpisana od ovlaštene osobe pravnog lica/obrta, o namjenskom utrošku sredstava u skladu sa ovim programom i da za predmet poticanja za koji je podnesena prijava nisu primljena poticajna sredstva putem drugih programa finansiranja /sufinansiranja: Vlade Kantona, neke druge institucije u FBiH ili nevladine organizacije.		
Izjava u originalu na memorandumu pravnog lica/obrta, ovjerena i potpisana od ovlaštene osobe pravnog lica/obrta, da je podnosilac prijave saglasan da rezultat ovog Javnog poziva bude objavljen na web stranici Ministarstva privrede Kantona Sarajevo.		
Ugovor o otvorenom transakcijskom računu pravnog lica/obrta kod banke (fotokopija ovjerena od nadležnog organa – općina/notar).		
Izjava u originalu na memorandumu pravnog lica/obrta ovjerena i potpisana od ovlaštene osobe o organizovanosti, broju i kvalifikacionoj strukturi uposlenih u pravnom licu/obrtu, kao i izjava o broju i kvalifikacionoj strukturi angažovanih lica u provedbi projekta.		
Izjava ovlaštenog lica za zastupanje - podnosioca prijave u originalu na memorandumu pravnog lica/obrta potpisana, te nakon toga ovjerena od nadležnog organa (općina/notar), a kojom ovlašteno lice pod punom moralnom, materijalnom i krivičnom odgovornošću potvrđuje da se protiv njega ne vodi krivični postupak, kao i da nije pravosnažno osuđen za počinjenje krivičnog djela i/ili privredni prijestup.		

b) Evaluacija prijedloga projekata

Evaluaciju prijedloga projekata koji su prošli administrativnu provjeru će vršiti Komisija vodeći računa o sljedećem: Da li je prijedlog projekta jasan, logičan i relevantan u odnosu na očekivane rezultate; Da li je plan aktivnosti izvodljiv i logičan; Da li su očekivani rezultati izvodljivi, dobro opisani (mjerljivi i kvantificirani) te logički povezani; Da li prijedlog projekta predviđa vidljivost i promotivne aktivnosti; i Koliki je iznos i namjena vlastitog sufinansiranja u odnosu na ukupnu vrijednost projekta.

c) Kriteriji za izbor u slučaju nedostatnih sredstava po pojedinačnom programu

U slučaju da se nakon obrađenih svih prijava po pojedinačnim programima od 4.2.4 do 4.2.10 iz Programa utroška sredstava "Poticaj razvoju male privrede" za 2023. godinu (u daljnjem tekstu: Program), u postupku izbora korisnika poticajnih sredstava po svakom odnosnom pojedinačnom programu utvrdi da je planirani iznos sredstava za taj pojedinačni program veći od iznosa sredstava utvrđenog nakon svih obrađenih prijava za taj pojedinačni program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna shodno zaprimljenim i obrađenim urednim



prijavama. Odnosna preraspodjela sredstava po pojedinačnim programima utvrđuje se odlukom Ministarstva privrede Kantona Sarajevo i odnosi se na sve javne pozive za izbor korisnika poticajnih sredstava po odnosnim pojedinačnim programima od 4.2.4 do 4.2.10 koji su do dana donošenja ove odluke objavljeni u 2023. godini. Ukoliko ovom preraspodjelom sredstava nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe od 4.2.4 do 4.2.10 iz Godišnjeg plana za 2023. godinu, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa, i to: Program 4.2.4; Program 4.2.7; Program 4.2.8; Program 4.2.9; Program 4.2.5; Program 4.2.6; i Program 4.2.10. Ako se preraspodjelama sredstava ne obezbijedi potreban iznos sredstava po određenim pojedinačnim programima iz navedenog redoslijeda, podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema kriterijima navedenim u sljedećoj tabeli:

Tabela 1. Kriteriji za izbor korisnika sredstava

R/b	Kriterij	Vrsta djelatnosti	Broj bodova	Izvor verifikacije
1.	Vrsta djelatnosti	Područje J - Informacije i komunikacije, šifre djelatnosti: 63.99	30	Obavještenje o razvrstavanju poslovnog subjekta prema KD 2010
		Područje M - Stručne, znanstvene i tehničke djelatnosti, šifre djelatnosti: (69.10 – 74.90)	28	
		Područje N - Administrativne i pomoćne uslužne djelatnosti, šifre djelatnosti: (78.10 - 79.90) i (82.11-82.99).	26	
2.	Broj zaposlenih	Više od 30	40	Potvrda PU i Lista osiguranih lica za obveznika
		Od 21 do 30	35	
		Od 16 do 20	30	
		Od 10 do 15	25	
3	Dobit	Više od 150.000,00	30	Bilans stanja i bilans uspjeha, odnosno Obrazac SPR - 1053 i Godišnja prijava poreza na dohodak
		Od 75.000 do 150.000,00	28	
		Od 50.000 do 75.000,00	27	
		Do 50.000,00	26	

Napomena: Podnosilac prijave koji u dostavljenim finansijskim izvještajima ima iskazan gubitak se po osnovu kriterija iz tačke 3. Tabele 1. ocjenjuje sa 0 bodova.

X. OSTALE ODREDBE

Sa odabranim korisnicima Ministarstvo privrede Kantona Sarajevo zaključuje ugovor, nakon čega se sredstva doznačavaju na dostavljene račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku poticajnih sredstava. Podnosilac prijave, tj. korisnik je obavezan da se prilikom implementacije sredstava pridržava svih



pozitivnih zakonskih propisa koji se primjenjuju u Bosni i Hercegovini, Federaciji Bosne i Hercegovine i Kantonu Sarajevo, a Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ovog Ugovora, uvidom u odnosnu dokumentaciju u vlastitim prostorijama i kod Korisnika sredstava, a u slučaju potrebe i uvidom u podatke pribavljene službenim putem od strane odnosnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnovane sumnje da postoji krivična odgovornost određenog lica, u njegovom postupanju prije i nakon zaključenja Ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica. U postupku po ovom Javnom pozivu Ministarstvo privrede Kantona Sarajevo zadržava pravo da programe/projekte podnosioca prijave prihvati u cijelosti, djelomično, ili ih odbije, te da poništi ovaj Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo privrede Kantona Sarajevo ne snosi odgovornost prema učesnicima ovog Javnog poziva, u pogledu aktivnosti koje su preduzeli u cilju podnošenja prijave za određeni program. Podnosilac prijave po ovom Javnom pozivu, u cilju zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga korisnika poticajnih sredstava. Po ovom prigovoru rješava Ministarstvo privrede Kantona Sarajevo, najkasnije u roku od 15 dana.

Napomena: Kontakt telefon za dodatne informacije po određenim pitanjima iz ovog Javnog poziva se mogu dobiti putem telefona: **033/562-158**, svakim radnim danom od 13:00 do 15:00 sati.



- Dostaviti:
1. Evidencija
 2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

10/10